

Fantasia y Alegria

BON DIA Aruba

Diahuebs, 31 di Januari, 2002

► E candidatanan pa Reina Hubenil di Aruba su carnaval ta refleha
Alegria, expresion hubenil y hopi mas...!!



Ayera den Blimpie e muchanan aki tabata invitado nan special di e programa di "Riba Bao". Aki e expresion hubenil a resalta riba cada un di nan cu tabata tey den su totalidad. E hurado nan pa e anochi aki no lo tin un trabao facil, pero nos ta spera un biaha mas cu e publico cu presencia e eleccion aki duna y a muestra e apoyo na esun cu wordo eligi. Nos palabra di pabien y hopi éxito ta bai na tur e beyeza hubenil nan aki cu lo duna nan maximo presentacion Diabierna awo...den Don Elias Mansur ballpark...!!



Antonio Lacle den studio dia y anochi p'asina tur e grupo y cantante nan cu a graba den su studio keda cla. E oferta di 250 Florin cu ta inclui tur cos a resulta masha fabuloso mes y bo ta sinti esaki na tur stacion di radio.

RUTA di ACTIVIDAD

* Diahuebs 31 Hebbe hebbe Happening
 riba e parkeerplaats di postkantoor na Playa
 pa 8'or di anochi

* Diabierna 1 Parada di Skol na Dakota pa
 4'or atardi

Eleccion di Reina Hubenil di Aruba den
 Don Elias Mansur ballpark pa 8'or anochi

* Diasabra 2 Parada di mucha na Noord pa
 1'or

* Parada di Luz di Tivoli na Playa pa 8'or di
 anochi

Diadomingo Parada di mucha na Playa pa
 1'or di merdia.



Tecla Kelly a muestra bon cla cu no lo bai descualifica ningun hende ya cu no tin nada pa descualifica. Di otro banda Kevin James ta masha trankil di dje y porfin e por bisa cu a pone un stop na e polemica aki entre NBO y Garrio.